



Inatsisartunut ilaasortaq  
Randi Vestergaard Evaldsen  
Demokraatit

## **Takornarianut akitsuusiisarneq pillugu apeqqummut 128/2019-imut akissut**

Asasara Randi Vestergaard Evaldsen

Takornarianut akitsuusiisarneq pillugu apeqqutinnut qujanaq.

Apeqqutitit tulliuttuni issusuunngorlugit allaqqinneqarput, akissutitaallu nalinginnaasumik allanneqarlutik.

Brevdato: 21-03-2019  
Sags nr. 2019 - 6204  
Akt id. 10199476

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

### **Apeqqu 1**

**Naalakkersuisut takornarianut akitsuummik atortussanngortitsinissaminut pilersaaruteqarnerlutik Kalaallit Nunaanni unnuinerit tamaasa akitsuummik takornariat akiliisalersillugit? Akissummi iluaqutissat ajoqutaasussallu tulleriiarlugit Naalakkersuisunut allattoqquneqarput.**

Akissut:

Takornariat unnuisarnerannut assinginulluunniit tunngasunik akitsuusiisalnissamut inatsisinik piareersaasiorluni suliniutinik Naalakkersuisut aallartitsisimangillat. Taamaammatt Naalakkersuisut ilaatigut takornarianut akitsuutip pitsaaqutaanik pitsaanngequtaanilluunniit misissuisimangillat, taamaammallu allattorsimaffimmik suliarineqarsimasumik saqqummiussisinnaanatik.

Illoqarfiit, nunap immikkoortuisa nunaluunniit ilaanni hotelini, Airbnb-kut attartortitsinerni il. il. unnuinernut atatillugu akitsuutinik akiliisitsisoqartarnera Naalakkersuisut eqqummaariffigaat. Taamaaliornerni ilaatigut takornariat, niuernermet atatillugu angalasut il. il., aqqusinernik atortorissaarutinillu allanik iluarsartuussinerni aningaasartuutitut, erngup kuutsitap salinneranut, eqqakkanik katersinernut il. il. toqqaannartumik pisortat aningaasartuutaannut ilapittuisariaqarnerannik tunngavilersuisoqartarpoq. Pisuni allani akitsuusiinerit takornariat amerliartornerannik ingalassimaarinninniarnermik kissaateqarnermut sakkugineqartarpoq.

Ilaaigut akitsuutit pisortat takornariaqarnermut atatillugu aningaasartuuteqarneruffiunut aningaasalersuinernut ilapittuutitut atorineqarsinnaasorinarput. Aappaatigut takornariaqarnermut akitsuusiineq takornariaqarnerup ineriartorneranut kigaallassaataasinnaasutut naatsorsuutigineqarsinnaavoq.

### **Apeqqu 2**

**Naalakkersuisut malinnaavigisimanerlugu nunatsinni takornartat qassit takornariatitsinermik suliaqarnermut aamma qanoq iliorlutik Naalakkersuisut qularnaarnikuuat taakku takornartat takornariatitsisartut kalaallinut inuiaqatigiinnut akileraartarnissaat akitsuutinillu akiliisarnissaat?**

Akissut:

Suliffeqarfiit nunanit allaneersut nunatsinni ingerlatsisut pinngitsoornatik CVR-imik nalunaarsuiffimmut nalunaarsorsimasussaapput, tamannalu aamma suliffeqarfinnut takornariatitsinermik neqerooruteqartunut atuuppoq. CVR-imik nalunaarsuiffimmi

inuussutissarsiut pingaarnertut ingerlataq, saniatigullu ingerlatat nalunaarsorneqartarput.

Tamatuma saniatigut nunani allamiut immikkut akuersissutinik isumaqatigiissuteqanngitsut Kalaallit Nunaanni sulisinnaanermut akuersissummik visumimillu pigisaqartussaapput.

Ilisimatitsissutitut paasissutissiissutigisinnaavara Kalaallit Nunaanni takornariaqarnermik ingerlataqartut ingerlataat pillugit inatsisunik pitsanngorsaataasumik inatsisissatut siunnersuummik saqqummiussinissamut periarfissanik misissuisussamik naalakkersuisoqarfiit akimorlugit suleqatigiissitaliornissamik qinnuigalugit Naalakkersuisunut ilaasortanut susasaqartunut saaffiginnissuteqarama. Taamaalillutillu Naalakkersuisut ajornartorsiutit eqqumaffigaat aammalu ilaatigut Kalaallit Nunaanni ingerlataqartut nunanit allaneersut ingerlataat pitsaanerusumik nalunaarsorneqartarnissaasa qulakkeerreqarnissaa sulissutiginiarlugu.

Nunani allamiut takornariaqarnermik ingerlatsisut akileraarutitigut akitsuutitigullu nakkutilliivigineqarnerat aallaavittut akileraarutitigut akitsuutitigullu nakkutilliinermit allamiit allaanerussuteqanngilaq. Pisut ilaanni suliffeqarfinnik nunani allani angerlarsimaffeqartunik nakkutilliinermik ingerlatsineq immikkut unammilligassaqartitsisarpoq. Ajornartorsiulli ilisimaarineqareerpoq, tassanilu ilaatigut aatsitasarsiornermik ingerlatsisut suliffeqarfillu allat suliffeqarfinnik nunani allaneersunik peqataatitaqartut tamatumani kalluarneqartarput.

### **Apeqqu 3**

**Takornariat tikerartarfiat piffissaq sivikitsunnguvoq, taamaasillutik takornariaqarluarfiup nalaani sulisartut takornartat nunatsinniittarput sivikitsunnguamik. Naliliinerput naapertorlugu takornariaqarluarfiup nalaani sulisartut annermik Danmarkimeersuupput Islandimeersuullutillu. Takornariaqarluarfiup nalaani sulisartut takornartat taakku qanoq akileraartinneqartarpat?**

Akissut:

Naatsumik oqaatigalugu qallunaat kalaallillu marloriaammik akileraarusiisarneq pillugu isumaqatigiissutaat naapertorlugu, takornarianik angallassisartut, Qallunaat Nunaanni najugaqartut sulilu qallunaamik sulisitsisoqartut, tassa sulisitsisumik Kalaallit Nunaanni aalajangersimasumik ingerlatsiveqarnaniluunniit Kalaallit Nunaanni akileraartanngitsumik sulisitsisoqartut, qaammagini aqqaneq marlunni ataannartuni ullut 183-it inorlugit Kalaallit Nunaanniittut Kalaallit Nunaannut akileraartussaataaannngillat. Nunatsinniinnerli ullunit 183-init sivisuneruppat, sulisartoq tamakkiisumik Kalaallit Nunaannut akileraartussaataaassaaq, Kalaallillu Nunaata ullormit siullermit akissarsiat tamakkiisumik akileraarusinnaassavai.

Ullut 183-inik immikkut maleruagassaq takornarianut angallassisartunut il. il. Islandimeersunut, Savalimmiuneersunut Norgimeersunulluunniit aamma atuuppoq, takukkit nunat taakku Kalaallillu Nunaata marloriaammik akileraarusiisarneq pillugu isumaqatigiissutaat.

Takornarianik angallassisunut il. il. nunanit Kalaallit Nunaata marloriaammik akileraarusiisarneq pillugu isumaqatigiissuteqarfiginngisaanneersunut, maaniinneq ullut 14-it sinneraangitigut killilimmik akileraartussaataaneq atuutilersarpoq, tassani pineqartoq suli sulisitsisumit Kalaallit Nunaanni angerlarsimaffeqarnaniluunniit ingerlatsinngitsumeersuugaluarpalluunniit.

Tamatuma saniatigut Akileraartarnermut Aqutsisoqarfiup suliffeqarfinnik takornariaqarnermik ingerlataqartuni il. il. piffissap ilaani sulisut akileraarusorneqartarnerat pillugu ilitsersuutaa innersuussutigineqarpoq. Ilitsersuut

linkimi uani pineqarsinnaavoq:

<https://aka.gl/~media/Skattestyrelsen/Vejledninger/DK/I2%202011.pdf>

#### **Apequt 4**

**Suliamut tunngasunik allanik soqutiginaatilinnik naalackersuisut  
paasissutissiisinnaappat?**

Akissut:

Naamik

Neriuppunga apequtigineqartut akissuteqarfigineqartut.

Inussiarnersumik inuulluaqqusillunga

  
Vittus Qujaukitsog